



Z. CEKIĆ

BIHAĆ - Pripadnici Državne agencije za istrage i zaštitu (SI-PA) uhapsili su juče Admira Hadžipašića, a nalog za njegovo privođenje izdalo je Tužilaštvo USK.

Protiv Hadžipašića se vodi istraga zbog sumnje u organizirani kriminal, a u vezi sa nizom krivičnih djela koja se odnose na izdavanje lažnih srednjoškolskih i fakultetskih diploma.

Tužilaštvo Unsko-sanskog kantona je u toku istrage došlo do dokaza iz kojih proizilazi da je osumnjičeni uticao na jednog svjedoka, kandidata na Visokoj međunarodnoj školi Cazin, iako su mu odlukom Kantonalnog suda u Bihaću određene mjere zabrane prilaska i kontakta sa svjedocima. Kako je osumnjičeni prekršio sudsku mjeru za- b r a n e ,

U AKCIJI SIPA UHAPŠEN ADMIR HADŽIPAŠIĆ

Uhapšen zbog uticaja na svjedoka

Tužilaštvo će za njega predložiti sudu određivanje pritvora", navodi se u saopštenju Tužilaštva USK.

Podsjećamo da je Hadžipašić, raniji visoki funkcioner Stranke demokratske aktivnosti (A-SDA), suvlasnik Međunarodne visoke škole i Centra za obrazovanje odraslih "Vita plus" iz Cazina, a poslovanje ovih

ustanova predmet je istrage Tužilaštva USK.

U okviru policijske akcije "Perro" prije dvije godine uhapšeno je 20 odgovornih lica iz pomenutih ustanova, a za njih 11 tada je određen jednomjesečni pritvor.

Osumnjičenima je stavljen na teret da su u periodu od 2014. godine pronalazili lica i istima za novac pribavljali različite certifikate, osnovnoškolske, srednjoškolske i visokoškolske diplome.

Radi se o brojci od nekoliko hiljada diploma te su na takav način stekli višemilionsku korist, a istražni organi su tada saopštili da je samo u periodu od šest mjeseci dokumentovano čak 300 nezakonito izdatih diploma. Na takav način nezakonito je stečena višemilionska korist, a budžet FBiH oštećen je za više od 200.000 maraka neplaćenog poreza.

Tužilaštvo USK još vodi istragu u ovome slučaju, a iz ove pravosudne institucije su ranije izjavili kako se radi o kompleksnom predmetu kojim je obuhvaćeno više od 70 osoba.

